

**Cia li qhuas nws vim tej txujci tseemceeb uas nws ua, cia li qhuas nws lub hwjchim loj kawg nkaus.**

Cia li tshuab raj qhuas nws, ntiv lub qeej laus, thiab qeej soob qhuas nws.

**Cia li ntaus nraus thiab dhia muascaum qhuas nws, cia li ntiv qeej thiab tshuab raj qhuas nws.**

Cia li ntaus nruas npuaj qhuas nws, cia li ntaus nruas npuaj nrov doog diaj qhuas nws.

**Ib puas tsav yam muaj sia cia li qhuas tus TSWV, Cia li qhuas tus TSWV.**  
(Nkauj qhuas Vajtsvw 150)

## **355**

### **KEV NCO TXIAJ NTSIG**

Kuv lub siab es, koj cia li qhuas tus TSWV. Kuv qhuas nws lub npe zoo kawg nkaus, kawg kuv siab kuv ntsws.

**Kuv lub siab es, koj cia li qhuas tus TSWV thiab nco ntsoov nws txiajntsig.**

Nws zam kuv tej kev txhaum huv tibi, thiab nws kho kuv tej mob zoo tagrho.

**Nws cawm kuv dim kev ploj, kev tuag, nws muaj siab dawb hlub kuv, thiab foom koobhmoov rau kuv.**

Nws pub ib puas yam tsav zoo rau kuv, kuv thiaj hluas khov kho, thiab muaj zog zis yam nkaus li tus dav livnyug.

**Tus TSWV txiav txim ncajnrees rau tej neeg uas raug luag quabyuam, nws tsa lawv cai.**

Nws qhia tes haujlwm uas nws yuav ua rau Mauxes, thiab pub ib tsoom neeg lxayees pom nws tej txujci tseemceeb.

**Tus TSWV yog tus uas muaj nploojsiab dawb, nws tsis chim sai, nws muaj nploojsiab hlub tsis tseg.**

Nws tsis cem thiab nws tsis chim mus ib txhis.

**Nws tsis rau txim rau peb raws li tej kev txhaum uas twb tsimnyog peb raug, lossis ua pauj peb lub txim, thiab tej kev txhaum uas peb ua.**

Lub ntuj siab tshaj lub ntiajteb npaum li cas, tus TSWV hlub tus uas hwm nws heev npaum li ntawd.

**Hnub tuaj nyob nrug deb hnub poob npaum li cas, tus Tswv tshem peb lub txim mus deb npaum li ntawd.**